

Kommunit aqunneqarnerat pillugu Inatsisartut inatsisaata allanngortinneqarnera pillugu Inatsisartut inatsisaat

**(Kommunalbestyrelsimit ilaasortaajunnaarnissamik
qinnuteqaatit. Najukkami ataatsimiititaliat aamma
ataatsimiititaliat immikkut ittut kiisalu
ataatsimiititaliani ilaasortat
aninggaasarsiaqartinneqartarnerat. Borgmesterit
soraarnerussutisiaqartinneqartarnerat pillugu
aaqqissuussineq.)**

§ 1

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq imaattunik allanguuteqarpooq:

1. § 15, imm. 2, imatut oqaasertalerneqarpooq:

"Imm. 2. Kommunalbestyrelsimi ilaasortaq imm. 1-imi taagorneqartuni pissuteqarluni qaammatit marluk sinnerlugit suliassanik isumagisaqarnissamik pisinnaanngitsoq, kommunalbestyrelsimit ilaasortaq akissaateqarani sulinngiffeqarallarnissamik qinnuteqassaaq. Sulinngiffeqarallarnissamik qinnuteqaat borgmesterimut nassiunneqassaaq, qinnuteqaallu imaqassaaq pissutaasutut tunuliaqtaasoq pillugu paasisstissamik aamma taamatut pisinnaanginnermut pissutaasup qanoq sivisutiginissaa naatsorsutigineqarnersoq. Qinnuteqarnermut atatillugu upternarsaatit pisariaqartut qinnuteqaammut ilaatinneqassapput imaluunniit borgmesterip taakkuninnga noqqaassuteqarneratigut nassiunneqassapput. Tamatuma kingorna sinniisussaq ataatsimiinnissami tulliuttumi siullermi peqataaqqullugu borgmesterip aggersassavaa."

2. § 15, imm. 3, imatut oqaasertalerneqarpooq:

"Imm. 3. Kommunalbestyrelsip aalajangissavaa ilaasortap sulinngiffeqarallarnissaamik qinuteqaataani aamma sinniisussap isernissaanut piumasaqaataasut eqqortinneqarnersut."

3. § 31, imm. 3, atorunnaarpooq.

4. § 31, imm. 4, matuma kingorna imm. 3-nngortussaq, imatut oqaasertalerneqarpooq:

"Imm. 3. Kommunalbestyrelsip aalajangiussinnaavaa ataatsimiititaliani il.il. imm. 1-imi taaneqartuni kommunalbestyrelsimi ilaasortaanngitsunik sinniisunik allanik toqqaasoqarnissaa, inatsisini allani

immikkut ittumik taamaaliorssinnaatitsisoqarpat aamma suliassanik allanik isumaginnittooqarsinnaatitaappat, kommunabestyrelsimit suliassatut tunniussanik."

5. § 31-ip kingorna ilangunneqarpoq:

"**§ 31a.** Kommunalbestyrelsi kommunimi illoqarfinni tamani najukkami ataatsimiititalianik ataatsimik arlalinilluunniit pilersitsisinhaavoq. Najukkani ataatsimiititaliat suliassaqarfinnik aalajangersimasunik isumaginnittuusinnaapput imaluunniit kommunalbestyrelsimit, aningaasaqarnermut ataatsimiititaliamut imaluunniit aamma ataatsimiititalianut ataavartunut piareersaasiornermik siunnersortaanermillu atuuffeqarsinnaallutik.

Imm. 2. Najukkami ataatsimiititaliat ilaasortalersugaanermikkut qanoq katitigaanissaat qanorlu annertutigisumik peqataatitsisoqassanersoq communalbestyrelsip aalajangiiffigissavaa, tassunga ilanngullugit kattuffit, najukkani aalajangersimasuni innuttaasut ataatsimoortut, partiit aamma ataatsimoorlutik qinigassanngorteqatigiit inuilluunniit allat ataatsimiititaliani ilaasortassatut innersuussutigineqassanersut imaluunniit ataatsimiititaliat ataatsimiinnerini alaatsinaattutut peqataatinneqartassanersut.

Imm. 3. Najukkami ataatsimiititaliat suliassaqarfii communalbestyrelsip aalajangersaavigissavaai.

Imm. 4. Najukkami ataatsimiititaliami ilaasortanut, communalbestyrelsimi ilaasortaanngitsunut, communalbestyrelsi aalajangersimasumik angissusilikamik aningaasarsiaqartitsisinhaavoq.

Aningaasarsiaritinneqartussat tunniunneqarsinnaapput Naalakkersuisut aalajangersagaat tak. § 66, imm. 6 malillugu amerlanerpaaffissaliussat sippornagit.

Imm. 5. Kommunalbestyrelsimi, aningaasaqarnermut ataatsimiititaliami imaluunniit ataatsimiititaliani ataavartuni suliassat sularineqarnerannut atatillugu immikkut ilisimasaqartut aamma paasisimasallit imaluunniit immikkut ittunik soqtigisallit ilaatinneqartarnissaat siunertaralugu communalbestyrelsi ataatsimiititalianik immikkut ittunik pilersitsisinhaavoq.

Imm. 6. Ataatsimiititaliat imm. 1-imi aamma 5-imi taaneqartut communalbestyrelsip atuuffissaataa iluani piffissami aalajangersimaqqinnaartumi atuuttussanngorlugit qanorluunniit ilinikkut pilersinneqarsinnaapput."

6. § 34-imi allanngortinneqarput "§§ 24, 26 aamma § 31" imaalersillugit: "§§ 24, 26, 31 aamma § 31a".

7. § 51, imm. 1, imatut oqaasertalerneqarpoq:

"**§ 51.** Nunaqarfinni aqutsisut ataasimoorussat aamma nunaqarfinni aqutsisut ilaasortanik 3-nik imaluunniit 5-inik amerlassuseqarput. Tamanna pillugu communalbestyrelsip aalajangernera pissaaq nunaqarfinni aqutsisussanik ukioq qinersiviusussaq sioqqullugu, ukiup naannginnerani."

8. § 51, imm. 2, atorunnaarpoq. *Imm. 3 aamma 4,* matuma kingorna tassaalerput *imm. 2 aamma 3.*

9. § 67, imm. 1, imatut oqaasertalerneqarpoq:

"**§ 67.** Naalakkersuisut maleruagassanik tunniussisarnissamullu tunngasut makkununnga tunngasut aalajangersaaffigissavaat:

1) Borgmesterinut aningaasarsiaqartitsisarneq aamma soraernerussutisiaqartitsisarneq.

2) Borgmesterit tullersortaasa imaluunniit communalbestyrelsini ilaasortat, borgmesterip peqanngikkallarnerani borgmesterip suliassanik isumaginnittussanngortitaasut aningaasarsiaqartinneqartarerat"

10. § 67-ip kingorna ilangunneqarput:

"**§ 67a.** Naalakkersuisut makkununnga tunngasut maleruagassiorfigissavaat:

1) Borgmesterinut aamma taakku aapparisaasa qitoraasalu soraernerussutisiassaannik

tunniussisarnissaq.

2) Inatsisartuni Naalakkersuisunilu ilaasortat soraarnerussutisiaqartinneqartarnerannut maleruagassat atuuttut assigisaannik borgmesterit soraarnerussutisiaqarnermikkut inuttut aaqqissuussivigneqarnissaat.

Imm. 2. Inuttut namminerisamik soraarnerussutisiaqalernissamut aaqqissuussivigneqarsin-naanissamik maleruagassat 2013-imi 1. majimi taassumaluunniit kingorna borgmesterinngortussanut atutissapput, tak. imm. 1, nr. 2. Matumani maleruagassat aalajangersarneqartut naapertorlugit soraarnersussutisiaqalernissamik aaqqissuussinerup siusinnerpaamik pilersinneqarsinnaapput 2014-imi januaarip 1-anit sunniuteqartumik.

Imm. 3. Borgmesterit, qinigaaffimmi 2013-imi naasussami sivikinnerpaamik ukiuni sisamani borgmesterioreersimasut, imm. 2-mi aalajangersagaq malinngikkaluarlugu imm. 1, nr. 1-imi maleruagassat naapertorlugit pineqarnissartik toqqarsinnaavaat.

Imm. 4. Soraarnerussutisiaqariaasererutamik toqqaaneq tak. imm. 3, kingusinnerpaamik Inatsisartut inatsisaata atortuulersinneqarneraniit qaammatit marluk qaangiutsinnagit communalbestyrelsimeut allakkatigut nalunaarutigineqassaaq. Toqqagat pituttuisuussaaq siunissamilu borgmesteriusarnissami najoqqutarineqartassalluni.”

§ 2

Inatsisartut Inatsisaat 1. januar 2014-imiit atuutsilissaq.

Kalaallit Nunaanni Namminersorlutik Oqartussat, ulloq 29. november 2013

Aleqa Hammond

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut

